

**Тақырыбы:  
«Синонимдер»**



Сайгүлік, сандақ, тұлпар, дүлдүл, пырақ, күлік. Шашасына шаң жұқпас жүйрік ат. Айшылық жерге асқанда Аққудай ұшса ақ қарда, самғауына сай келмес, Сайгүліктің шабуы *(Т.Жароков)*.

Осқырып таудың тағы тарланындай, не сандақ жылқының жүр арғымағы *(А.Тоқмағамбетов)*.

Тұлпардан тұғыр озбас шабылса да, Оған да үкі, тұмар тағылса да *(Абай)*.

Топтан озған дүлдүлден, жұртта қалған ит озды *(Мақал)*.

Көлге біткен құрағым, суырылып озған пырағым *(Қыз Жібек)*.

Күңіrentті ойды, қырды өңшен күлік, Арқаны дүрілдетті дүбір қылып *(І.Жансүгіров)*.

Шапса да қанша жүйрік бедеу озар, Болмайды кім үмітті қосқан жерде *(Ақан сері)*.



**Шеше, ана, ене, апа. Баланы ақ сүтін емізіп асырап-сақтаушы, мәпелеп өсіруші тұлға. Розаның шешесі орта жастан асқан, байсалды қазаққылау кісі екен (Т.Ахтанов).**

**Анам едің, жаман сөз айтпаймын, бірақ кімнен кім айырылмай жатыр (М.Әуезов).**

**Папам мен мамам ұдайы селода қызмет істеген (С.Омаров).**

**Қашағанды қуар-ау, Жүйрік мінген боташым. Қуандырып тұрар-ау, көкесі мен апасын (Ә.Тәжібаев).**





**Ер, батыр, қаһарман, жауынгер. Қиындықтан қорықпайтын, қайтпас қайсар, батыл да өжет адам. Ер мойнында қыл арқан шірімейді (Мақал).**

**Ол - батырға лайық зор тұлғалы жігіт (Ә.Сәрсенбаев).**

**Ерлігі үшін қазақ халқының қаһарман ұлы Хасан Мажытовқа Совет Одағының батыры атағы берілді (Ә. Жәмішев).**

**Жанындағы ағасы Есенгелдіге қарағанда Саржанның жауынгер жан екені бірден білінеді (І.Есенберлин).**

**Синоним (гр. 'synonymos' — мағыналас, мәндес) — тұлғалары әр түрлі, мағынасы жақын сөздер. Синонимдер мынадай белгілеріне қарай топтастырылады:**

- **Сөздің дыбысталуында өзгешелік болуы керек;**
- **Сөздер бір ғана ұғымды білдіруі керек;**
- **Сөздер бір ғана сөз табына қатысты болуы тиіс.**



# Мақал-мәтелдерді құрау:

1. Сабырлы жетер мұратқа, ... .
2. Туған жердей жер болмас, ... .
3. Еңбек етпесең, ... .
4. Егін екпесең, ... .

**Туған елдей ел болмас.**

**Асыққан қалар ұятқа.**

**Жерге өкпелеме.**

**Елге өкпелеме.**



# Тест

1. **Синоним дегеніміз –**

- A) Айтылуы мен жазылуы бірдей сөздер
- B) Мағыналары қарама - қарсы сөздер
- C) Жазылуы әр түрлі, мағыналары бір - біріне жуық сөздер

2. **«Даңқ» сөзінің синонимін тап.**

- A) Мықты
- B) Атақ
- C) Дәулет

3. **«Қадірлі, құрметті, қадірменді» синонимдік қатары қай сөз табына жатады?**

- A) Сын есім
- B) Зат есім
- C) Үстеу

4. **«Адам» сөзінің синонимін тап.**

- A) Шәкірт
- B) Дос
- C) Кісі

5. **Синонимдік қатардың дұрысын тап.**

- A) Күлу, сықылықтау, жылау
- B) Зат, мүлік, нәрсе, бұйым
- C) Көне, жаңа, ескі

**“Сәйкестендіру кестесі” стратегиясы.  
Синоним сөздерді сәйкестендіру тірек сөздер беріледі.**

<b>ертеде</b>	<b>азанда</b>
<b>алыс</b>	<b>баяғыда</b>
<b>үлкен</b>	<b>дәм</b>
<b>кішкентай</b>	<b>келбет</b>
<b>ажар</b>	<b>шалғай</b>
<b>тамақ</b>	<b>дәу</b>
<b>таңертең</b>	<b>биттей</b>